

ТҮРЭЭСИЙН ГЭРЭЭ

Дугаар № ..

2023/120

2023 оны 12 сарын 25

Улаанбаатар хот

Энэхүү түрээсийн гэрээг нэг талаас Амгалан дулааны станц ТӨХК-ийг төлөөлж Гүйцэтгэх захирал М.Мөнхөө /цаашид түрээслэгч гэх/, нөгөө талаас түрээслүүлэгч иргэн Б.Доржбямба рд-ЦД86072670 /цаашид түрээслүүлэгч гэх /хамтад нь/ цаашид талууд гэх/ нар нь Монгол Улсын Иргэний хуулийн 318-326 дугаар зүйл, Төрийн болон орон нутгийн өмчийн хөрөнгөөр бараа ажил үйлчилгээ худалдан авах тухай хуулийн 7 дугаар зүйлийн 7.3 дахь хэсэг, 8 дугаар зүйлийн 8.1.2 дахь заалтуудыг үндэслэн энэхүү гэрээг байгуулав.

Нэг. Гэрээний зорилго

- 1.1. Гэрээний зорилго нь “Нүүрсний агуулах болон ил талбайд байгаа нүүрсийг түрж нуруулдах, ачааны машинд ачих” ажлыг гүйцэтгэх, Түрээслэгч нь гүйцэтгэсэн ажлыг дүгнэж зохих шаардлагыг хангасан гэж үзвэл энэхүү гэрээгээр тохирсон хугацаанд ажлын хөлсийг төлөх, талуудын эдлэх эрх, хүлээх үүрэг, хариуцлагыг тогтоох, ажил эхлэх, гүйцэтгэх, дуусах явцтай холбоотой үүссэн харилцааг зохицуулахад оршино.

Хоёр. Гэрээний нөхцөл, ерөнхий зүйл, хугацаа

- 2.1. Түрээслүүлэгч нь “Нүүрсний агуулах болон ил талбайд байгаа нүүрсийг түрж нуруулдах, ачааны машинд ачих” (цаашид “ажил” гэх) -ыг 55-35 УБ улсын дугаартай Liugong 855 маркийн Ковшоор түрээслүүлэгч Б.Доржбямба нь 2023 оны 12 дугаар сарын 25-ны өдрөөс 2023 оны 12 дугаар сарын 27-ны хооронд гүйцэтгэнэ. Шаардлагатай нөхцөлд /ажлын ачаалалтай үед/ түрээслүүлэгч нь ээлжийн жолоочийг гаргаж, 24 цагийн турш ажиллаж болно. Компанийн горим ажиллагаатай холбоотойгоор эхлэх өдрийг мөрдөх боломжгүй болсон бол наряд нээгдсэн өдрөөр тооцож болно.

Гурав. Түрээсийн төлбөр

- 3.1. Нүүрсний агуулах болон ил талбайд байгаа нүүрсийг түрж нуруулдах, ачааны машинд ачих ажлыг Түрээслүүлэгч Ковшоор өдөрт 10 цагаас багагүй хугацаагаар ажиллах ба нэг өдрийн ажлын хөлс 1000,000 /нэг сая/ төгрөг байна. Түрээслэгч тал өдөрт зарцуулагдах дизель түлшийг Ковшид хийж өгнө. Энэ нь НӨАТ-гүй үнэ болно.
- 3.2. Гэрээт ажлын төлбөрийг жолоочийн тооцооны хуудас гэрээ дүгнэсэн актыг үндэслэн ажлын гүйцэтгэлээр нь тооцон гэрээт ажил дууссаны дараа 5 /тав/ хоногт багтаан нэхэмжлэлийн дагуу гүйцэтгэгчийн Хаан банкны 5069167374 тоот дансанд шилжүүлнэ.

Дөрөв. Түрээслүүлэгчийн эрх, үүрэг

- 4.1. Гэрээт ажлыг заагдсан хуваарийн дагуу, гэрээнд заагдсан нөхцөлүүдийн дагуу чанартай хийж гүйцэтгэнэ.
- 4.2. Гэрээт ажлыг гүйцэтгэхдээ замын хөдөлгөөний дүрэм, хөдөлмөрийн аюулгүй байдал эрүүл ахуйн шаардлагыг бүрэн хангаж, галын аюулаас урьдчилан сэргийлэх бүх талын арга хэмжээг авч ажиллах ба эдгээр шаардлагыг биелүүлээгүй нөхцөлд түрээслэгчийн шаардлагаар ажлыг зогсооно.
- 4.3. Ажил гүйцэтгэх хугацаанд Эрчим хүчний системд мөрдөгдөж буй ХАБ, ТАД, ААД болон холбогдох бусад дүрэм журмыг мөрдөж ажиллана. Түрээслэгчийн тавьсан хууль ёсны шаардлага зөвлөмжийг заавал биелүүлнэ. Ажилд гарахдаа зааварчилгаа авч ажилд гарна.
- 4.4. Ажил гүйцэтгэхдээ Ковшийг станцын хашаанд оруулах үедээ харуул хамгаалалтын ажилтанд бүртгүүлэн эрх бүхий албан тушаалтнуудын зөвшөөрөл, хяналтаар нэвтрүүлнэ.
- 4.5. Түрээслүүлэгч тал түрээслэгчийн зөвшөөрөлгүйгээр гэрээний эрх үүрэг, хариуцлагыг бусдад шилжүүлэхгүй байх үүрэгтэй.
- 4.6. Ажил гүйцэтгэгч нь уг ажлыг гүйцэтгэх явцад нарядын системийг чанд мөрдөнө
- 4.7. Ажил үйлчилгээг нэгэнт эхэлснээс хойш гэрээг цуцлах санал тавихгүй.
- 4.8. Түрээслүүлэгч нь станцын хашаанд нэвтрэх үнэмлэх авч, түрээслэгчийн дотоод дүрэм, журам, хөдөлмөрийн аюулгүй ажиллагааны дүрэм журмыг мөрдөн ажиллана. Түрээслэгч талын зөвшөөрлөөр шаардлагатай үед илүү цагаар ажиллаж болно.
- 4.9. Түрээслүүлэгч нь гэрээний хугацаанд Ковшийг өдөр шөнийн алинд ч байнгын бэлэн байдалд байлгана. Түрээслүүлэгч нь заасан маршрут, хуваарийн дагуу явна. Жолоочийн тооцооны хуудсыг цаг тухайд нь хөтөлж явна. Ковшийн бүрэн бүтэн байдал эвдрэл гэмтэл болон жолоочийн аюулгүй байдал, хариуцлагын асуудлыг түрээслүүлэгч тал бүрэн хариуцна.

Тав. Түрээслэгчийн эрх, үүрэг

- 5.1. ХАБ, ААД-ийн шаардлагыг биелүүлэхээс татгалзсан эсэргүүцсэн, дүрэм журам, стандартыг зөрчсөн, зам тээврийн хэрэгт холбогдсон нь холбогдох байгууллагын дүгнэлтээр тогтоогдсон тохиолдолд гэрээг цуцлах хүртэл арга хэмжээг авах эрхтэй.
- 5.2. Гүйцэтгэсэн ажлыг гэрээ дуусмагц комисс дүгнэнэ.
- 5.3. Ажил гүйцэтгэх явцад түрээслүүлэгчийн ажилд түрээслэгч талаас хяналтыг тогтмол тавьж ажиллана.
- 5.4. Түрээслэгч талаас гэрээний үнийн дүнг өөрчлөхгүйгээр зарим нэгэн ажил, ажлын тоо хэмжээнд түрээслүүлэгчтэй тохиролцсоны үндсэн дээр өөрчлөлт оруулж болно

Зургаа. Талуудын хүлээх үүрэг хариуцлага

- 6.1. Түрээслүүлэгчийн буруугаас гэрээт ажил эвдрэл гэмтлээс болж Ковш зогссон, гүйцэтгээгүй үүргийн үнийн дүнгийн 0,1 %-иар хоног тутам гүйцэтгэгч алданги хүлээх ба уг алданги гэрээний үнийн дүнгийн 10% -иас хэтрэхгүй байна.

- 6.2. Түрээслэгчийн буруугаас төлбөр төлөх хугацаа хэтэрвэл гүйцэтгээгүй үүргийн үнийн дүнгийн 0,1% -ийн алданги хүлээх ба гэрээний үнийн дүнгийн 10% -иас хэтрэхгүй байна.
- 6.3. Компанийн дотоод дүрэм, журам зөрчих, ажлын байранд ёс бус үйл ажиллагаа явуулах согтууруулах ундаа авчирсан, уусан тохиолдолд ажил гүйцэтгэх гэрээг цуцлах ба гүйцэтгэсэн ажлын хөлсийг төлөхөөс таггалзана.
- 6.4. Алданги төлсөн нь үндсэн үүрэг болон учирсан хохирлыг төлөх үүргээс чөлөөлөгдөх үндэслэл болохгүй.
- 6.5. Түрээслэгчийн саналаар нэмэлт ажил хийгдэх шаардлага гарсан бол 2 /хоёр/ тал харилцан тохиролцож акт протоколоор баталгаажуулж шийдвэрлэнэ.
- 6.6. Түрээслэгчийг төлөөлж гэрээний үүргийн биелэлт, ажлын гүйцэтгэлтэй холбоотой асуудлыг “Амгалан дулааны станц” ТӨХК-ийн АХММХМ инженер Н.Сайнбилэг хариуцан ажиллана. Утас-98109919
- 6.7. Түрээслүүлэгчийг төлөөлж гэрээтэй холбоотой асуудлыг иргэн Б.Доржбямба хариуцан ажиллана. Утас-91912421.

Долоо. Давагдашгүй хүчин зүйл

- 7.1. Гэнэтийн болон давагдашгүй хүчний шинжтэй нөхцөл байдал гэдэгт үерт автах гал түймэрт нэрвэгдэх, дэлбэрэлтэд өртөх, газар хөдлөх, зуд болох, тахал болон байгалийн бусад хүчин зүйлс мөн цэрэг дайны үйл ажиллагаа төрийн эрх барих байгууллагын шийдвэр буюу экспорт импортын хориг ажил хаялт үйлдвэрлэгчийн бүх төрлийн сул зогсолт зэрэг энэ гэрээг зохих ёсоор биелүүлэх боломжгүй байдлыг бий болгохыг ойлгоно.
- 7.2. Гэнэтийн болон давагдашгүй хүчний шинжтэй нөхцөл байдлын улмаас гэрээ биелэгдэх боломжгүй болсон бол талууд бие биедээ нэн даруй мэдэгдэх ба гэрээт хугацаан дээрх нөхцөл байдал арилгах хүртэл хугацаагаар сунгагдах буюу нэг талын санаачилгаар цуцална.
- 7.3. Гэнэтийн болон давагдашгүй хүчний шинжтэй нөхцөл байдлыг зохиомлоор буюу болгоомжгүйгээр бий болгосноос бусад тохиолдолд учирсан хохирлыг хариуцах үүргээс талууд чөлөөлөгдөнө.

Найм. Гэрээг цуцлах, нэмэлт өөрчлөлт оруулах

- 8.1. Энэхүү гэрээнд заасан үүргээ талууд ноцтой зөрчсөн буюу хуульд заасан үндэслэл бий болсон бол талууд хэдийд ч гэрээг цуцлах эрхтэй.
- 8.2. Хэрвээ талууд гэрээнд нэмэлт өөрчлөлт оруулах шаардлага гарвал урьдчилан тохиролцон хавсралтаар оруулж гарын үсэг зурж, тамга дарж баталгаажуулснаар гэрээний нэгэн адил хууль зүйн хүчинтэй.
- 8.3. Хүндэтгэн үзэх шалтгаангүйгээр ажил гүйцэтгээгүй хугацаа хожимдуулсан, цаашид уг ажлыг үргэлжлүүлэх боломжгүй болсон тохиолдолд түрээслэгчийн санаачилгаар гэрээг цуцална.
- 8.4. Гэрээнд хоёр тал тохиролцсоны үндсэн дээр нэг удаа сунгаж болно.
- 8.5. Гэрээнд нэмэлт өөрчлөлт оруулах тохиолдолд бичгээр үйлдэж баталгаажуулна.

Ес. Бусад зүйл

- 9.1. Энэхүү гэрээний үйлчлэл нь талууд гарын үсэг зурж тамга дарж баталгаажуулснаар хүчин төгөлдөр болж, талууд тус тусын үүргээ биелүүлж гэрээг дүгнэснээр дуусгавар болно.
- 9.2. Талууд аль нэгнийхээ зөвшөөрөлгүйгээр энэхүү гэрээг гурав дахь талд шилжүүлэхийг хориглоно.
- 9.3. Гэрээг монгол хэл дээр 3 хувь үйлдэж Түрээслэгч 2 хувийг Түрээслүүлэгч 1 хувийг авах бөгөөд хувиуд ижил тэгш хүчинтэй.
- 9.4. Гэрээнд хоёр тал гарын үсэг зурсан өдрөөс эхэлж хүчин төгөлдөр болно.
- 9.5. Энэхүү гэрээнд шууд заагаагүй бусад аливаа асуудлыг Монгол улсын хүчин төгөлдөр мөрдөгдөж байгаа хууль тогтоомжийн дагуу шийдвэрлэнэ.

БАТЛАВ

ТҮРЭЭСЛЭГЧИЙГ ТӨЛӨӨЛЖ:

АМГАЛАН ДУЛААНЫ СТАНЦ ТӨХК-ИЙН

ГҮЙЦЭТГЭХ ЗАХИРАЛ


М.МӨНХӨӨ

ЕРӨНХИЙ ИНЖЕНЕР



Э.МӨНХЖАРГАЛ

СЭЗХ-ИЙН ДАРГА БӨГӨӨД ЕРӨНХИЙ
НЯГТЛАН БОДОГЧ

 Ө.УДВАЛ

АЖ АХУЙ, ХАНГАМЖИЙН ХЭЛТСИЙН ДАРГА


 Г.БАТТУЛГА

ХУУЛИЙН МЭРГЭЖИЛТЭН

Г.САРУУЛ


ГЭРЭЭ БОЛОВСРУУЛСАН:


ХАНГАМЖИЙН МЭРГЭЖИЛТЭН

 Ш.ГАНТУЛГА

Хаяг: Монгол улс, Улаанбаатар хот,
Баянзүрх дүүрэг, 8-р хороо, УС-15-1-1
Утасны дугаар: 77111251
РД: 6021646

БАТЛАВ

ТҮРЭЭСЛҮҮЛЭГЧИЙГ ТӨЛӨӨЛЖ:
ИРГЭН

 Б.ДОРЖБЯМБА

Хаяг: Монгол улс, Улаанбаатар хот,
Баянзүрх дүүрэг 13-р хороо Алтантэвш хороолол
АОС-101 тоот
Утас: 91912421
РД: ЦД96072670.